

NZIA YI LAISI YA NGAI YA UTANGIHO

Uelesyo

mbivilia niyeleetye kwa utheu kana nutonya kumanya nesa vate nzika kana yila wikwa ukathi ituni. Ikulyo ni yii; niwitikilaa kila Ngai uneenete ndetoni yake?

I Yoana 5:13 “Maundu asu namuandikia, ni kana mumanye mwina thayu wa tene na tene, inywi ala mwitikilaa syitwa ya mwana wa Ngai.”

I Ithyonthe twi ene nai!

Ti vinya kwitu kwitikila kana ithyonthe nitweekie maundu ala twisi nimathuku, na ingi notumekaa. Isu niyo yitawa nai, ithyonthe twina nai kuma ila twasyaiwe.

Alomi 5:12 Kwondu wa uu,nundu wa mundu umwe nai yalikile kuu nthi, na kikw'u kwoondu wa nai; na kwa uu kikw'u kyavikia andu onthe, nikwithiwa onthe nimeekie nai.

Alomi 14:12 “Kwa ouu indi kwa ula umwe waitu akaumya uvoos wake mbee wa Ngai”

Alomi 3:23 “Nundu onthe nimeekie nai, na maivikiaa utaiio wa Ngai;”

Alomi 3:10 “O tondu kuandikitwe, kui mulungalu, aiee, ona umwe;”



Ithyonthe twi ene nai!

II Ve ituvi ya nai isu!

Alomi 6:23 “Nundu ituvi ya nai ni kikw’u; indi muthinzio wa Ngai ni thayu utathela nthini wa Klisto Yesu Mwiaii.”

Uvuan’yo 21:8 “Indi ala makiaa, na la matetikilaa, na ala mathatasya, na oaani, na ilaalai, na aoi, na athaithi ma mivwanano, na onthe ala maneenaa uvungu, kianda kyoo kikeethiwa iiani ya mwaki na muviliti; nayo niyo kikw’u kya keli.”

Uvuanyo 20:12-15

12 Na noona akwu anene na anini maungeme mbee wa kivila kyu kyeu: na mavuku mavuanwa na ivuku yingi yavuanwa, nayo ni ivuku ya thayu: na ala akwu masililwa na maundu ala maandikitwe mavukuni asu kwianana na meko moo.

13 Na ukanga waumya akwu ala mai nthini waw'o; na kikw'u na vandu vala maveva ma ala akw'u mekalaa syaumwa akw'u ala mai nthini wasyo na masililye kila mundu kianana na meko make.

14 Na akw'u na vala maveva ma ala akw'u mekalaa syekwa iiani ya mwaki.

15 Na ethiwa mundu ona wiva alea kwoneka aandikitwe ivukuni ya thayu, niwekiw'e iiani ya mwaki.

III Klisto niwakwie kwondu wa nai situ.

Alomi 5:6 Nundu yila twai onzu, ivinda yeania Klisto amakw'iaa ala matakiaa Ngai.

Alomi 5:8 “Indi Ngai Niwoonanisye wendo wake mwene kwitu, ati yila twai athe, Klisto akwa kwondu witu.”

Alomi 14:9 Nundu kwondu wa uu Klisto niwakwie na eethiwa thayu ingi, ni kana ethiwe Mwiaii wa ala akwu na ala me thayu.

Alomi 6:23 “Nundu ituvi ya nai ni kikw'u; indi muthinzio wa Ngai ni thayu utathela nthini wa Klisto Yesu Mwiaii.”



Klisto niwakwie kwondu wa ene nai!

IV Utangiio ni muthinzio wa mana, ti kwa meko maseo. Waile kuikiia ndeto ya Ngai kwoondu wa w'o na kuikiia Yesu eweka!

Utangiio ni kumukiia na kumwosa Yesu Klisto ta mutangii waku. Nikwitikila uw'o kana Yesu Klisto niwakwie ngelany'oni ya Kaivali ni kana akuivie thii wa nai syaku. Nikumanya kana we vyu vai kindu utonya kwika kwoondu wa kwitangiia mwene na indi uikita umuikiia Yesu Klisto autangiie!! Ti ikanisa ona yiva yitangiia, Ti uvatiso, Ti meko maseo, Ti sakalamendi, Tikualyuka, Ti kwa kutindia kuvoya saa syonthe, Ti kwa kwikala thayu museo – **TI UNDU ONA WIVA UTONYA KWIKA!!**

Aeveso 2:8-9 Nundu nimutangiitwe na mumo kwondu wa muikiio; nawo ndumite kwa inywi ene, ni muthinzio

wa Ngai Ti undu wa meko, kana kuikethiwe mundu ona wiva kwikathiia.

Tito 3:5 Ti kwondu wa meko ma ulungalu . ala ithyi tweekie, indi kwianana na tei wake niwatutangiie, kwondu wa kuthambw'a kwa kusyawa ingi na kutwikithw'a eu ni Veva Mutheu, Meko ma Atumwa 4:12 Ona kuti utangio kwa ungi ona wiva w'ontho: nundu kuti syitwa yingi itheo wa itu, yinengetwe andu, yitwaile ithyi kutangiwa nayo



V No movaka twikie muikiio na wikwatyo witu nthini wa Klisto ni kana tutangiwe

Alomi 4:24 Indi kwondu witu naitu, ala tukatalilwa o ta uu, ithyi ala tumwitikilaa ula wamuthayuukisye Yesu Mwiaii waitu kumumya kwa akwu.

Alomi 10:9-10, 13 "Nikwithiwa ethiwa ukamumbula Yesu na kanyw'a waku kana niwe Mwiaii, na ukeetikila ngooni yaku kana Ngai niwamuthayuukisye kumumya akwuni, ukatangiwa. Nundu mundu niwitikilaa na ngoo kuvikia ulungalu; na niwumbulaa na kanywa kuvikia utangio nundu, O ula ukekaila syitwa ya Mwiaii akatangiwa.



Ethiwa nukwenda kumwitikila YesuKlisto ta Mutangii waku na kwosa uekeo wa nai kuma kwa Ngai, voya mboya ino. Kuvoya mboya ino kana mboya ingi ona yiva ndiutangii. Indi no kwa kumuikiia Yesu Klisto kula kutonya ukunenga uekeo wa nai. Mboya ino ni ya kwony'a Ngai muikiio waku na kumutungia muvea kwoondu wa ukunenga uekeo wa nai.



“Mwiaii,

Ninisi kana ni mwene nai. Ninisi kana ninailwe ni usililo wa nai syakwa. Ona kau ningumuikiia Yesu Klisto ta mutangii wakwa. Ninguikiia kana kikw'u kyake na kuthayuukwa kwake nikwanengie uekeo wa nai. Ningumwitikila Yesu na Yesu e weka ta Mwiaii na Mutangii wakwa. Ni muvea Mwiaii, nundu wa kundangii na kundekea nai syakwa! Amen!”

Ethiwa niwavoya mboya isu – kuatiania na ndeto ya Ngai – NIWATANGIWA!! ALELUYA!!

Ngai aisyethiwa nuumwosa na kumuikiia Yesu Klisto niwatangiiwa. Sisyavaa vai kwasya “nutonya” kana “nivatonyeka” ukatangiiwa – indi veasya “ukatangiwa” WIMUTANGIIE!!

O ula ukekaila syitwa ya Mwiaii akatangiiwa. Alomi 10:13

Nuumuikiia Mwiai Yesu Klisto? Sisyandu Yoana 3:36 vekwasya, veasya WINA THAYU WA TENE NA TENE!! Ti “Nivatonyeka” kana “Niikwatya ou” – INDI ENA – WIMUTANGIIE!!

Ula umwitikilaa u Mwana ENA THAYU UTATHELA: Indi ula utamwitikilaa u Mwana ndakona thayu; indi uthatu wa Ngai wikalaa iulu wake. Yoana 3:36

Munyanyawa ethiwa niwavoya mboya isu na wamwosa Yesu Klisto – WIMUTANGIIE!! Na niweeka undu Ngai waitye – NA NGAI NDATONYA KUNEENA UVUNGU.

Nthini wa wikwatyo wa thayu utathela, ula Ngai wathie mbee wa mavinda ma tene tene, nake ndatonya kuneena uvungu. Tito 1:2